



ЗАМАН



Газета издаётся на балкарском языке с 1924 года

Интернет-версия: gazeta.zamankbr.ru

КЪАБАРТЫ-МАЛКЪАР РЕСПУБЛИКАНЫ
ПАРЛАМЕНТИНИ ЭМ ПРАВИТЕЛЬСТВОСУНУ ГАЗЕТИ

ВРЕМЯ

ГАЗЕТА ПАРЛАМЕНТА И ПРАВИТЕЛЬСТВА
КАБАРДИНО-БАЛКАРСКОЙ РЕСПУБЛИКИ

КЪЫРАЛ ЖУМУШЛА

Владимир Путин регионлары полномочияларын кенгертиуню юсюнден указгъа къол салгъанды

КЪМР-ни Башчысы Казбек Коков Россейни Президенти Владимир Путин бардырган селектор кенгешге къатышханды. Анда сёз Россей Федерацияны субъектлерине социал-экономика жаны бла тутхучулукъ этиуню юсюнден баргъанды.

Къырал башчы битеу дуняда бла къыралда тохташхан политика болумгъа багъа бичгенди. Украинаны демилитаризациялау эмда денацификациялау муратда Россей бардырган энчи аскер операция бла байламлы социал сфера бла экономика не халда болгъаныны юсюнден айтханды. Операцияны мураты - Донецк эмда Луганск халкъ республикагъа болушуду, Россейни къоркъуусулугъун жалчытыуду деп, дагъыда бир кере чертгенди.

«Къабарты-Малкъар Республика толусунлай аны бардырыу жанлыды. Ол бек керек болгъанын эмда башха амал болмагъаны ючюн этилгенин ангылайбыз. Россейли халкъны тозурагъы, къыралыбызны гунч этер умутла бла бардырылгъан экономика урушну кезиунде кесибизни борчубузну да дурус билебиз», - деп жазгъанды Казбек Коков кенгешден сора кесини telegram-каналында.

Россейни Президенти туура этген баш магъаналы оноулары юслеринден кесини оюмун айта, Казбек Коков былай дегенди: «Быллай болумда халкъгъа, экономиканы бёлюмлерине,



бизнесге, системаны къурагъан предприятиягъа себеплик этиуню Владимир Владимирович бююн туура этген мадарлары бир да болмагъанча магъаналыдыла. Аланы жюз процентте толтуруу бизни баш борчубузду. Къырал башчы иш хакъны бек аз ёлчегин, жашау этерге жетерик ахчаны ёлчегин, бюджетниклени айлыкъларын, битеу социал телеулеулени да кётюрюню юсюнден къаллай оноула этилгенлерин да айтханды. Сабийлери болгъан юйюрге, ишсиз къалгъанлагъа да тутхучулукъ этиуню мадарлары этилликдиле. Къырал кереклени алыуну женгиллетирик, предпринимательликни айнытыгъа, производствону бла къурулушну ёлчеглерин кёбетиуге себеплик этерик законодательный актланы къауумуна тюзетиуле кийириледи.

«Бююн Россейни Президенти Россей Федерацияда

социал-экономика тутхучулукъну сакълау эмда халкъын къоруулау жаны бла мадарлары юсюнден указгъа къол салгъанды. Документ регионлары полномочияларын иги да кенгертеди, география болумну, шёндюгю излемлени, субъектде экономика халны эсге алыу бла оноула этерге онг бередиди. Ол указ регион властлагъа ышаныулукъ болгъанын кёрюзтгени бла бирге, Россейде къыралгъа оноу этиуню кёп жыллада бери къурала келген кючлю системасы, бир законодательный база, бир политика ниет да болгъанларына шагъатлыкъ этеди. Ол Россейли субъектлени, къыралны инсанларыны Президентибизни башчылыгында бирикгенлерини белгисиди. Владимир Владимирович салгъан борчла барысы да толтурулукъларына ишексизме», - деп чертгенди Казбек Коков.



Казбек Коков республиканы жамауатын Кърым Россейге къошулгъанлы сегиз жыл толгъаны бла алгъышлагъанды

«Хурметли шуёхларым!

Къыралыбыз Кърым Россейге къошулгъанлы 8 жыл толгъанын белгилейди. Ол керти окъуна бизни кёп миллетли къыралыбызгъа уллу магъананы тутхан ишди. Кеси да Кърым Республикада бла Севастопольда жашагъанлары къадарларын тамыры бла тюрлендиргенди. Регионлары башчылары Сергей Аксёновну бла Михаил Развожаевни, Кърымны жамауатын эмда къыралыбызны халкъын бу къадар магъаналы байрам бла алгъышлайма.

Бююнлюкде жарым айрыкамда социал-экономика, маданият жаны бла да айныргъа битеу онгла къуралгъандыла, аны экономикасын кючлендириу, социал, транспорт, инженер, туризм инфраструктураны игилендириу, адамлары жашау къолайлыкъларын бла ырахатлыкъларын кётюрюу жаны бла бир да болмагъанча уллу къырал программала толтурула турадыла. Бек башы – Кърымда жашагъанла кеслерини, сабийлерини да келир заманларын мамырлыкъда къуаргъа онг тапхандыла.

Жарсыугъа, Донбассны халкъыны юсюнден алай айтырча туюлду. Ол 8 жыл мындан алгъа Кърым бла бирге къол кётюрген эди Донецк эм Луганск халкъ республикала къуралыр жанлы болуп. Алай ол жылланы ичинде эки республика да къуршоугъа алынып тургандыла, алада жашагъанла уа Украинаны шёндюгю низамыны зорлугъун толусунлай сынагъандыла. Кеси жерлеринде жашаргъа, ёз тиллеринде сёлеширге итингенлери, кеслерини адет-тёселерин суйгенлери ючюн къырылып тургандыла. Донбассда халны мамыр жол

бла игилендириу ючюн Россей къолундан келгенни аямагъанды. Алай мамыр адамлары, ол санда сабийлени, тишируулары, къартлары, ёлтюрюу, алагъа азап чекдириу бир кюннге да тохтатылмагъанды. Аны къой, арт кезиуде Украина Донбассда уллу аскер операцияны бардырыгъа хазырлана тура эди. Алай болса, халкъ республикада бла Россей Федерацияны аланы чеклерине жууукъ регионларында жашагъанла бла не боллугъун акъылыбызгъа келтирирге окъуна къыйынды.

Битеу бу къаугаланы АБШ бла НАТО къозгъагъанлары туура болгъанды. Ала Украинаны аскер агрессияларында хайырланаргъа умут этгендиле, алай бла бизни къыралны ырахатлыгына къоркъуу салып. Жаланда Россейни, адамларыбызны къоруулар, Донбассны халкъын унукудурууну тохтатыр мурат бла этерге тюшгенди Россейни Президенти Владимир Владимирович Путиннге Украинада энчи аскер операцияны бардырыуну юсюнден оноуну. Аны сауутладан бла нацистледен тазаламай боллукъ туюлду эди. Биз Россейни Сауутланган кючлерини аланы боюнларына салынган борчлары толтуруу жаны бла мадарларын толусунлай дурус кёребиз.

Бизни аскерибиз бююнлюкде, къуру Донбассда жашагъанлары угай, Украинаны битеу мамыр халкъын къоруулайды. Украинаны шёндюгю башчыларыны террорлукъ машиналары толусунлай гунч этилликгине ишексизме», - деп жазгъанды Казбек Коков кесини телеграм-каналында.

ЖЫЙЫЛУ

Эм башында – миллет проектлени толтуруу

КЪМР-ни Башчысы Казбек Коков Москвада Регионла аралы правительстволу комиссияны селектор жыйылыуна къатышханды. Ол РФ-ни Правительствосуну Председателини орунбасары Марат Хуснуллинни башчылыгында ётгенди.

Жыйылыуда сёз регионлада миллет эм федерал проектлени касса толтурууларыны, ол санда къаллай бир процентлеге дерти эм инвестицияла бла ишлеулерини юсюнден баргъанды, деп билдиргендиле республиканы оноучусуну пресс-службасындан.

«Къабарты-Малкъарда миллет проектле, ол санда хар объект, энчи къабыл этилген тизмеге кёре бардырылады-

ла, - дегенди республиканы оноучусу.

«Быйылгъы жылда 70 социал магъаналы объекти къурулушун башларгъа эм тынгылы ремонтун этерге деп турабыз. Белгиленген ишлени асламысын 2022-2023 жыллада бошарыкъбыз, уллу объектледе къурулушла 2024 жылда тамамларыкъдыла. Бююнлюкге Нальчикде 500 адамны бир ызгъа алгъан поликлиниканы, Куба элде амбулаторияны, Элбрусда участкалы больницыны, элдеде билим берген юйлени къурулушларын башларгъа къырал келишимле этилгендиле. КЪМР-ни Башчысы тамамларыкъ ишлени эм толтурулукъ келишимлеге

контролну къатыландырыгъа буюруу бергенди.

Казбек Коков инфраструктура къурулушлары юсюнден да айтханды: «Федерал арада «Таза суу» деген проектни чеклеринде къошакъ келишимле этерге онгла излейбиз».

2022-2024 жыллада алгъын кезиуледе хайырланаргъа берилген 19 объекти юсюне энтта да суу бла жалчытхан эм суу барлыкъ ызлагъа саналгъан 13 объекти къурулушу бардырыллыкъды. Андан сора да, Терекде бла Тырнауузда суу берген беш объекти къурулушуна федерал бюджетден ырысхы алыргъа къагъытла хазырлана турадыла», - деп ангылатханды КЪМР-ни Башчысы.

КЪМР-ни Башчысыны бла Правительствосуну пресс-службасы.

КЕНГЕШ

«Халкыны тынчлыгын сакълауда биригиулюкню магъанасы уллуду»

Къабарты-Малкъар Республиканы Башчысы **Казбек Коков** таматалыгъында Бахсанда КъМР-ни Терроризмге къажуу комиссияны тышында къуралгъан кенгертилген жыйылыуу бардырылгъанды. Повесткагъа жержерли самоуправление органлары эм терроризмге къажуу муниципал комиссиялары ишлерини соруулары къошулгъандыла.

Тюбешиуге КъМР-ни Парламентини Председатели **Татьяна Егорова**, КъМР-ни Правительствосуну Председатели **Мусукланы Алий**, РФ-ни Президентини СКФО-да толу эркинликке келечисини аппаратында КъМР-де федерал инспектор **Дмитрий Васильченко**, муниципал къуралуулары администрацияларыны таматарлары, регионну право сакълауу органларыны оноучу къаууму къошулгъандыла.

Терроризмге къажуулу къбюмде болумгъа магъаналы жамауат-политика эм социал-экономика процесслени тинтиуню эсеплерини эм ол ишни игилендириу амаллары юслеринден КъМР-ни министри **Залим Кашироков** айтханды. Бююнлюкде болумгъа кере республикада тутулуп чыккыганла, ол санда террорист жаны бла аманлыкъла этгенлери ючюн азап сынагъанла жашайдыла. Казбек Коков ол къаууму бла тохтаусуз энчи ишлерге тийишлисин чертгенди. «Ол ызда кеп жумуш тамамланганды. Профилактиканы субъектлери эм объектлери белгиленгендиле, методика жарашдырылгъанды, энчи тюбешиуле боладыла», - деп белги-



легенди Казбек Коков.

Терроризмни ниетлерине тюшерге боллукъ инсанлары ол жолдан тыярча, ала халкъла аралы террорист организацияларыны ишлерине къошулмазча, Иракда, Сирияда къауугъала болгъан тийреледен къайтарылгъан сабийлени реабилитацияларын бардырырча эм аланы араларында радикал ниетле жайылмазча этиу энчи профилактика ишни эсеплерин Залим Кашироков, Урвань районну муниципал администрациясыны таматасы **Валерий Ажиев**, Черек районну муниципал администрациясыны таматасы **Къулбайланы Алан**, Элбрус районну муниципал администрациясыны таматасы **Сотталаны Къурман** билдиргендиле.

Нальчик шахар округну, Бахсан шахар округну, Чегем муниципал районну жер-жерли администрацияларыны таматарлары **Таймураз Ахохов**, **Хачим Мамхегов**, **Юра Борсов** муниципал АТК-ланы ишлерин тинтген кезиуде ачыкъланган кемчиликлени кетериу жаны бла амаллары юслеринден айтхандыла.

КъМР-ни Башчысы Казбек Коков бу жаны бла ишни тирилтирге кереклисин эм «терроризмни болдурмазча этиуню битеу ызларында бирлешип ишлеуню амалларын жарашдырырча, муниципал АТК-ланы МВД-ны эм ФСБ-ны район бөлүмлери бла байламлыкъларын кючлерге кереклисин» белгилегенди.

Сёлешиуленни эсеплерине кере

жыйылыууга къатышханла бир бирлерине оюмларын билдиргендиле эм этилген оноуну къабыл кёргендиле. Казбек Коков кенгешде айтылгъан темалагъа кере бир ненча излемни баямлагъанды. Республиканы оноучусу власть органлагъа эм башында халкыны къоркъуусузлугъу болургъа кереклисин чертгенди, ол иште ведомстволар аралы байламлыкъланы магъанасыны уллулугъун айтханды.

Къабарты-Малкъарны Башчысы иште «Единая Россия» терроризмге профилактика этиу жаны бла жарашдыргъан жангы документлеге таянырча боллугъун эсертгенди, белгиленген эсеплени эм буйрукъланы эсге алып, ишни андан ары бардырырча тийишлисин айтханды.

«Биз профилактика халлы жамауат башламчылыкъларга, НКО-ланы ишлерине да билеклик этерге хазырбыз – аны ючюн деп Россейни Президентини регионлагъа тийишли эркинликке бергенди. Адамлары миллетчилик, террорист ниетлеге табынып, бирлени геополитика сейирлери ючюн кеслерини къарындашларын къуртургъа чыккыган Украинаны жарысуу сынамы дерсди» - деп чертгенди Коков.

Ахырында регионну Башчысы жыйылгъанланы «битеу дунягъа къарындашларын къорууларыгъын билдирген къаралыбызны тарыхында магъаналы шарт», Кърымны Россейге къошулгъанына сегиз жыл толгъаны бла, алгъышлагъанды.

КъМР-ни Башчысыны бла Правительствосуну пресс-службасы.

БАЙРАМ

Байракъланы кётюргендиле, бирге жырлагъандыла

Тюнене саула къырал Кърымны Россейге къошулгъаныны 8 - жыллыгъын белгилегенди. Республикабызны баш вузларындан бири – КъМКЪУ да - ол ишден кери къалмай, кесини байрамны къурагъанды. Аны арбазында жюзле бла жаш адамла, байракъланы да кётюрюп, бу кюнню белгилеуге къатышырча ыразылыкъларын билдире, жыйылгъан эдиле.

Алайгъа келгенлени алларында Жаш тёлню айнытыуну фондуну таматасы Алина Ковалева, студент къауумну атын-

дан Мурачаланы Исхакъ, предприниматель Тимур Ашабоков сёлешгендиле. Аланы хар бири да «Кърым жаз башы» къыралны хар регионунда да ахшы сезимле, муратла туудургъанын энчи белгилегендиле.

Къууанчы бардыргъан Белина Алоева 8 жыл мындан алгъа этилген иш 21 ёмюрню тарыхын тюрлендирген атлам болгъанын белгилегенди. Бююнлюкде Донбассда бардырылгъан энчи аскер операция да анда инсанлары жашаулары сакълар, артыкълыкыны

къурутур мурат бла этилгенин чертип айтханды.

Жаш тёлю бла бирге къууанчы кюнню белгилерге КъМР-ни сыйлы артистлери Текуланы Амур, Ирина Ракинина эм факхмулу жырчы Артур Дышеков да келген эдиле. Байрамда ала патриот сезимде жазылгъан жырларын айтхандыла. Алайда «Я в Россию влюблен», «Вперед, Россия!» деген жырлары билмеген хазна адам



Текуланы Амур.

жокъ эди. Къызла бла жашла жырчыла бла бирге аланы къууанчы айта эдиле.

Текуланы Амур а, бююнлюкде Украинадагъа аскерчилерибизге билеклик этиу бек магъаналы болгъанын чертип, ала юйлерине сау саламат къайтырларын тежегенди.

Байрамны ахырында Белина Алоева жыйылгъанланы къырал тамата белгилеген ызны тутуп, аны оноунда чурумла излемей, анга болулукъ тапдыра, жангы жашаууга тири къараргъа чакъыргъанды.

КЪАСЫМЛАНЫ
Аминат.

ОНОУ

Къабарты-Малкъарда төрт оператив штаб къуралгъанды

Россейни Президентини буйрукъларын толтуруу муратда, санкциялары кезиунде экономика эмда социал тутхучлукъну жалчытыу жаны бла белгиленген мадарлары толтуруу ючюн Къабарты-Малкъарда бөлүмлеге кере төрт оператив штаб къуралгъанды.

«Ала кече-кюн да ишлеп турурча этерге керекди, ол бек магъаналыды. Керек болгъанда уа, терк окъуна оноу чыгъарыр неда мадар этер ючюн, огъаргъы органнга чыгъаргъа тийишлиди. Ол а Къабарты-Малкъарны Башчысы Казбек Коков таматалыкъ этген координация штабды», - деп чертгенди КъМР-ни Правительствосуну бююнню жыйылыууну кезиунде республиканы премьер-министри Мусукланы Алий.

Штабланы гитче бизнесни, инвестициялары бла экспортну, агропромышленность комплекси, промышленностьну, сатыу-алыуу, табийгъат байлыкъланы бла цифралы айнытыуну; къурулушну, жашау журтла-коммунал мюлкню, транспортну, жол мюлкню эмда туризмни; саулуку сакълауну, билим берууню, иш бла жалчытыуну, социал къоруулауну бла маданиятны бөлүмлери тутхучлу ишлеулерин жалчытыу жаны бла баш магъаналы борчлары белгиленгендиле.

Оперштаблагъа КъМР-ни Правительствосуну Председатели биринчи орунбасарлары Муаед Кунижев бла Сергей Говоров, орунбасары Марат Хубиев башчылыкъ этерикдиле. Штабланы къауумларына КъМР-ни къырал властыны жержерли, федерал эмда толтуруучу органларыны башчылары, энчи иелени биригиулерини келечилери, бизнесменле киргендиле.

Регионну экономикасыны баш магъаналы бөлүмлерине бла алада къолгъа алынган инвестиция проектлеге себеплик этиуге, социал магъаналы аш-азыкыны бла бек керекли товарлары багъларын дайым контрольда тутууга энчи эс бурулгъанды.



Тюбешу



Ачыкъ эм терен магъаналы ушакъла

КъМР-ни саурукъ сакълау министри Рустам Калибатов Огъары Малкъарны школчулары бла тюбешгенди. Сагъынылган элни 2-чи номерли орта школунда сейир ушакъ къуралганды. Тюбешуно чегинде жаш адамла дуняда коронавирус бла байламлы шендюю болумну, аны болдурмазча этиу амалланы, вирусну къуруругуну бла къаллыгыны юсюнден соргъандыла.

Рустам Калибатов ёсюп келген тёлю сабийликден окъуна кесини эм төгерекдегилени саурукъларына сакъ кёзден къраргъа тийишлисин белгилегенди. Хал бютюн бусагъатда жарсыулу болургъа боллукъду, жашау тюрлене бар-

гъан вирусла бла толгъанда. Ол коллективли иммунитетни юсюнден да айтханды, анга себепликни уа жаланда вакцинация этерикди.

Жаш адамла Рустам Михайловични сейирлерини, аны усталыкъ жаны бла ёсююню юсюнден соргъандыла. Министр медфакда окъугъан жылларында больницада санитар болуп тургъан кесини ишини ал кезиулерини юсюнден хапарлагъанды. Ол белгилегенича, инсанни жетишими аны ишлерге тартылганына кере болады.

- Адам кесини аллында борчла салыргъа керекди, аланы тамамларча жол бла барыргъа да. Даулашла къозгъамай, төге-

региндегиле бла байламлыкъла къурай билген да бек магъаналыды, - дегенди тюбешуно сыйлы къонагы.

Рустам Калибатов Черек районну юсюнден кёп ариу сёз айтханды, ол кеси да мында аслам заманны ишлеп, адамладан ыразылыкъ тапханды. Аны уруну жолуну юлгюсю, жаш тёлюню итинулюгюн къозгъарча ахшы шарт болганы да ишексизди. Тюбешуге къатышханланы оюмларна кере, ушакъ керти да ачыкъ халлы эм терен магъаналы болганды.

ЖАНГУРАЗЛАНЫ Нажабат.

ЭРИШУ

Устазла хунерликлерин баямлайдыла

Бу кюнледе Нальчикни 33-чю номерли школуну мурдорунда «Россейде Жылны устазы-2022» Битеуроссей конкурсуну муниципал кесеги бардырылады. Ол кеси да къонакъбай мектепде къууанчлы

Андан сора да, мектепни, школ жашауну сейирлигини, энчилигини юсюнден хапарлап, устазлыкъны жолун сайлап, артда анга кертичилей къалгъанла бюгюнлюкде азыракъ болгъанларын да белги-

рини профессионал хунерлерин ачыкълайдыла. Алай бла уа, бу усталыкъны даражасы ёсерине да себеплик болады.

Эришуну жюриине башчылыкъны Нальчикни администрациясыны билим бериу департаментини таматасыны къуллугъун толтургъан Валентина Сабанчиева этеди. Жюриини сопредседатели уа шахарны халкъгъа билим бериуде ишлегенлерини профсоюзларыны комитетини председатели Татьяна Вологировады.

Эришуну кеси да юч кесекге бёлюннгенди. Аны экинчи урумунда устазла бу кюнледе къатыша турадыла. Сёз ючюн, ала анда кеслери окъутхан предметледен 33-чю школну сабийлерине дерсле бередила, класс сагъатла бла методикалы семинарла бардырадыла.

Биринчи кесеги уа заочно халда озгъанды. Жюри анда конкурсда билимлерин ачыкълагъанланы сайтларын къалай къурагъанларына къраргъанды. Болсада бюгюнлюкде ючюнчю урумгъа ким барлыгы белгили туюлду, нек дегенде аланы баллары алыкъа чыгъарылмагъандыла. Анда уа, ала мастер-классла берликдиле.

Бу жол конкурсха он устаз къатышады. Аланы араларында башха-башха предметледен окъутханла бардыла. Сёз ючюн, онжетинчи номерли мектепден Улбашланы Фарида - географиядан, жыйырманчы номерли школдан Малкъондуланы Лаура уа инглиз тилден тюшондюредила. Эришуде айырмалы болган устаз а аны республика даражалы урумунда къатышырыкъды.

МОКЪАЛАНЫ Зухура.

СУРАТДА: эришуге къатышхан устазла.



халда ачылганды. Аны хурметли къонакълары уа КъМР-ни Парламентини Билим бериу, илму эмда жаш тёлюню ишлери жаны бла комитетини председатели Нина Емузова, жарыкъландырыу, илму эмда жаш тёлюню ишлери жаны бла министр Анзор Езаов, Нальчик шахар округну жер-жерли администрациясыны башчысыны орунбасары Атмырзаланы Земфира, «Педагоглары профессионал усталыкъларын тохтаусуз ёсдюрген араны» директору Артур Кажаров эм бирсиле болгъандыла.

Къонакъла бир ауздан эришуге къатышхан устазланы, аланы дерслеринде олтурлукъ сабийлени, жюриини келечилерин да конкурсну ачылыуу бла алгъышлагъандыла. Не тюрлю эришуну да - ол чыгъармачылыкъ жаны бла иш болганын эсгертгендила.

легендиле. Мектепледе ишлеген педагогла сабийлеге дерс бергенден, аланы кеслерини предметлерини жашырынлыкъларына тюшондюргенлеринден сора да, окъуучулары жапсара, аланы жашауларында болган жетишимлеге къууана, кемчиликлерине жарсый билгенлерин да чертгендиле. Алай хунерли адамла къатышхан эришуну эсеплерин чыгъаргъан, аладан айырмалысын сайлапгъан да жюриге тынч жумуш болуп къалмазлыгын да.

Эсгерте кетейик, битеуроссей конкурсуну сагъынылган урумундә релли болумундан тышында «Нальчик шахар округда билим бериуну 2016-2022 жыллада айнытыу» деген муниципал программаны жашауда андан ары бардырыгъа жораланганды. Аны бла бирге уа, белгилисича, устазла кесле-

ЖАНДАУУРЛУКЪ

Башламчылыкъны кёпле дурус кёргендиле

Къабарты-Малкъарны Журналистлерини союзу алгъаракълада жыйылган гуманитар болушлукъну #Мывместе деген волонтер штабха ётдюргенди. Волонтерланы опера-

Донецк эмда Луганск халкъ республикаладан келгенлеге болушууну акциясын къурагъанды. Къысха заманны ичинде анга, басмада ишлегенледен башха, дагъыда кёпле къошулгъандыла,



тив штабы Донбасдан келгенлеге тюбеу, алагъа керекли затла жыйыу эмда юлешиу бла тюзюней кюрешеди. Къачхынчыла жашар жерле, медицина болушлукъ бла да жалчытылынырларына къайгырады.

Эсигизге салайыкъ: КъМР-ни Журналистлерини союзу алгъаракълада «Единая Россия» партияны регион бёлюню себеплиги бла

кийимле, ашарыкъ затла, илляула, школ керекле да келтиргендиле - битеу жыйылган затла 700 килограмдан артыкъ тартхандыла.

Россейини Журналистлерини союзуну регион бёлюню Оператив штабны волонтерларына бу жандауурлукъ акцияны бардырыгъа себеплик этгенлери ючюн ыразылыгын билдиреди.

Къурулуш

Юч мектеп ишлене турады

Республикада юч жангы орта школну къурулушу барады. Биринчиси Прохладный шахардады. Ол 785 жерли боллукъду. Анда ишле былтыр башланган эдиле. Шендюге къурулушчула аны

Подряд организацияны ишчилери шендю аны къабыргъаларын къалай турадыла. Аны да быйыл бошаргъа умут этедиле. Объект «Билим бериу» деген миллет проектни чеклеринде ишленеди.



биринчи этажын къалап бошагъандыла, энди уа фундаменте суу ётмезча эте турадыла эмда отоуларыны къабыргъаларын къалайдыла. Хар нени да быйылны ахырына битдиррге таукелдиле. Школ хазыр болгъаны бла анга баргъан жол да жангырытыллыкъды, дегендиле Прохладна районну жер-жерли администрациясында.

Экинчи мектеп Урвань райондады. Ол а 500 жерли боллукъду.

Энтта да бир орта школну къурулушу Куба элде барады. Ары да жарым минг сабий жюрюкдю. Подрядчикни адамлары объекте бетон ишле бла кюрешедиле, къабыргъаларын суйедиле, арматура саладыла. Проектине кере ол төрт минг квадрат метрни аллыкъды. Кеси да эки къатлы боллукъду. Бу школ да быйыл бите-рикди.

УЛБАШЛАНЫ Мурат хазырлагъанды.

Белгили росейли күүлукчу Юрий Коков Къабарты-Малкъар Республикага 2013-2018 жыллада оноу этип турганды. 2013 жылда алтынчы декабрьде Юрий Александровичи Россей Федерацияны Президентин Владимир Путин Къабарты-Малкъар Республиканы Башчысыны күүлугун болжаллы халда толтуруу бла байламлы указга къол салган эди. Ары дери регионну алгыннгы таматасы Арсен Канок күүлугундан кеси ыразылыгы бла кетерге сюйгенин билдиреди.

Андан сора, 2014 жылда сентябрьде республикалы Парламентге бардырылган айырыулада Юрий Коков «Единая

да уллу кыйын салганды. Дагыда, кыйралны кюч структураларында урунуп, ол ызда уллу сынамы болганы себепли, республикада террорист къауумланы кзурутуу жаны бла кеп иш тамамлаганды. Эсимдеди, ол темага жораланган бир жыйылыуда айтханы: «Террористлеге къажау операцияны бардыра эсек, ол бизге махтау туюлду. Ол аманлыкчыла бла профилактика ишни тийишлисича этмегибизни ачыкълаган шартды. Ма былайда олтурганла, менден башлап, барыбыз да терсбиз».

Дагыда ол: «Терроризм эм экстремизмча проблема бла факультатив халда ишлерге жарамайды», – деп, ре-

фатар юйню тубюнде, тар эмда мылы жерде бардырганларын билгенден сора, мычымай, спорт жаны бла жууаплы күүлукчула бла алайга барды. Кёрген проблеманы болжалга салмай тамамлаганы эсимдеди. Бу шарт, чынтты кыйрал күүлукчудача, кыйгырыулык бла жууаплык аны актылындан кетмегенин кёргюзтеди.

Юрий Коков республикада билим бериюню айнытууга да уллу эс бурганды. 2011 жылда Вольный Аулда Нальчик сууну жагъасында Ислам дин жаны бла Шимал-Кавказ билим бериу араны ишлеп тебирейдиле. Бир кезиуде аны кзурулушу тохтап къа-



КъМР-ни 100-жыллыгына

Коррупцияга къажау кюреш эмда къоркъуусузлукъну жалчытыу жаны бла сынамлы күүлукчу



Россия» партияны тизмесинде биринчи жерге тохтады, болсада депутат мандаты бир жанына салады. Ол жыл 9 октябрьде Парламентни депутатлары аны жанлы болуп, бирча ыразылыкда къол кётюредиле, сора тохташдырылган тизмеге кёре, КъМР-ни Башчысына айрадыла.

Толу беш жылга созулган кезиуню ичинде Юрий Коков Къабарты-Малкъарны социал эм экономика жаны бла айныуна тийишли юлюш къошханды. Эсимдеди, ол ишге киришгенде, аны бек алга, республикага туристлени кеп жюрюгенлерин да чертип, кир-кипчикни тазалауга уллу эс бурганы. Жер-жерлеге барып, ол санда тийишли власть органланы кючлери бла сагъынлган проблеманы юсюнден уллу видеоролик да жарашдырып, правительствону жыйылыуунда битеу республикага туура этген эди болумну.

«Бу сиз кёрген кир-кипчикни тазалауга алай уллу ырысхы керек туюлду, жалаңда жер-жерли администрацияла, башха жууаплы органла харкюнлюк ишлерин тийишлисича бардырсала, биз башха «суратлагъа эм видеогъа» къарарыкъ эдик. Курортлары эм табийгъат ариулугу бла битеу кыйралга белгили жерни бу халда тутуу айыпды», – деп, кыйрал эм муниципал күүлукчулага бла республиканы жамауатына да табийгъат болумну игилендирирге кереклисин айтады.

Белгилерчады, ол чакъырыудан сора, республикалы комиссия да кзуралып, кир-кипчикни тазалау бла болум бир кесекден иги жанына тюрленген эди.

Юрий Александрович Къабарты-Малкъарда жамауат къоркъуусузлукъну жалчытыууга, халкъланы араларында мамырлыкны, бирликни эм келишиулюкню сакъларга артыкъ-

спубликада энчи министрни күүлугун кзурайды, ол жаны бла ишни тийишлисича бардырырга онг да береди.

Жаш тёлню патриот ниетледе ёсдюруге уллу магъана бергенди Юрий Александрович. «Ата журтну сюерге юйретиу жаны бла ишни сабий сатдан тебиреп башларга керекди. Россейча уллу кыйралда, ол бир да болмаганча магъаналы эм жууаплы да ишди, анга



уллу кёллю болмайыкъ», – деп, къатлап айтыуучу эди.

Ол Къабарты-Малкъарны не жаны бла да жашнарын, хар жерде да тизгинлик болурун излегенди. Анга шагъатлыкыга бир юлгю. Бокс бла кюрешген сабийле жарауларын аллай жумушлагъа жараман кеп къатлы

лады. Болсада Юрий Александрович аны артда битеу кыйралга белгили этер ючюн, сабий чыгармачылыкны «Кюн шахар» академиясы деген атны жюрютген, фахмулу сабийлени хунерлерин бла билимлерин не жаны бла да толусунлай ачыкълаган уллу, жарыкъ мекям этип, кзурулушун алай битдирген эди. Шёндю «Кюн шахар» республикабызны билим берген системасында тийишли орун алганды, барыбыз да ёхтемленирча, аллай алапат жер болуп турады.

Андан сора аны хайырындан шахарда кеп он жылланы ичинде тамамланмай турган жумушла тындырылган эдиле, ол санда Комаров атлы орамга толусунлай тынгылы ремонт этилгенди, Къабарты орамны эки кварталын, Москвадагы «Арбатха» ушатып, адамла солурча, жаяулай жюрючю ариу орамга айландырып, кзуанчлы халда ачхан эди. Ол иги кесек жылны кзурулушу тохтап турган, республикага бек керекли Перинатал араны хайырланьрга берилирине уллу кюч салганды. Шёндю ол Шимал Кавказда окъуна бек иги медицина учрежденияладан бирине саналады.

баш ишлерин да кыймагъанлай, республиканы жер-жерли административ органларыны атларындан ишлегендиле. Юрий Александрович законла чыгарыуучу эм къоркъуусузлукъ жаны бла комиссияны таматасы болуп турганды.

Ёхтемленирча бир шарт: Юрий Коков, Россей Федерацияны ич ишле министрствосунда баш инспектор болуп ишлегенинде, коррупцияга къажау кюрешни бардыруу жаны бла кеп жылланы ичинде эм иги специалистге саналганды. Ары дери да республикада Ич ишле министрствода уголовный розыск бёлюмде, ОБХСС службада күүлукъ этгенди. 1987-1991 жыллада уа Къабарты-Малкъар Республиканы министрле советини административ эм финансла жаны бла бёлюмюню таматасы болуп турганды. Ызы бла 1995-1999 жыллада КъМР-ни МВД-сыны таматасыны орунбасарыны күүлугун толтурганды.

Россей Федерацияны МВД-сында кзуралуу аманлыкчылыкыга къажау управленины, ызы бла уа департаментни таматарлары орунбасары болуп ишлегенди. 2008 жылда РФ-ни МВД-сыны экстремизмге къажау департаментине, андан сора 2011-2012 жыллада РФ-ни МВД-сыны экстремизмге къажау управленины башчылык этгенди.

Къабарты-Малкъарга башчысына салынырны аллында МВД-ны күүлукчуларыны квалификацияларын кётюрген битеуроссей институтну начальниги эди. Юрий Александрович генерал-полковник чынны жюрютеди. Кеп кыйрал эм ведомстволу саугъала бла белгиленгенди, ол санда «Ата журтну аллында кыйыны ючюн» ючюнчю эм тёртюнчю даражалы, «Жигитлиги ючюн» орденле бла саугъаланганды. Дагыда аны «Жамауат тынчлыкны сакълары ючюн» майдалы да барды. Ол Россей Федерацияны ич ишле органларыны сыйлы күүлукчусуду.

Бююнлюкде да Юрий Коков кыйралга күүлукъ этгенин кыймаганды. 2018 жылда 26 сентябрьде Россейни Президентине тубеп, юйор болумун ангылатып, кеси ыразылыгы бла Къабарты-Малкъарны Башчысындан күүлугундан эркин этерин, ишге Москвага кёчюрюрюн тилеген эди. Ол кюн окъуна Владимир Путинни указы бла Юрий Коков РФ-ни Къоркъуусузлукъ советини секретарыны орунбасарына салыннганды. Шёндю анда ишлейди.

Сынамлы кыйрал күүлукчу Юрий Коков юй бийчеси Жанна бла ариу

Юрий Коков республикага оноу этип башлардан алга жууаплы күүлукчуде ишлегенинде да белгилерчады. 1993-1999 жыллада Къабарты-Малкъарны Парламентини биринчи эм экинчи чакъырыуларыны Келечиле советине депутатха айырылган эди. Ол заманда Келечиле советде депутатла,

юйор ёсдюргендиле. Къызлары Марианна бла Марина, юридический эм филология жаны бла бийик билим алып, тюрлю-тюрлю жерледе бет жарыкылы урунадыла.

КЪОНАКЪЛАНЫ Хасан.

ДАТА

ФАХМУНУ, ЖАРЫКЪЛЫКЪНЫ ДА АРИУ ЭМ ЁМЮРЛЮК ЮЛГЮСЮ

Сабийлиги

Маммеланы Шакъманни жашы Ибрагим 1919 жылда Кенделенде тууганды. Ибрагим окъуу-билим алырга сабийликден окъуна итингенди. Аллай онг да чыккъанды анга. Кенделен район ара эди да, ол заманда анда орус устазла кеп болгандыла. Ибрагим, аны тенгшилери да аланы кьолларында орус адабияттан, культурадан да тынгылы билим алгандыла.

Ол тири сабий болганды. Школда не тюрлю иш этилсе да аны кьатышдырмай кьоймагандыла. Кеси эсгергенге кере, Кенделенде биринчи кере жангы жылны байрамына назы терек салгъанларында, Къар аппа ол болганды. «Манга ол заманда бир онеки-онюч жыл бола болур эди. Сабийлеге саугъага, тегерек конфетчикле болуучу эдиле, драже деп, аладан гитче чулгъамчыкыла этип, кеп булжугъанбыз. Артда уа сахна оюнча баргъан эди хар не да. Къар кьызыгыг а Балаланы Мариям эди», - деп, ол татлы заманлагъа кетип, татыулу хапар айтыучу эди.

Керти да, сахна оюнагъа суймеклик ол заманда башланганды анда.

Излеуно ызында

Школну бошагъанлай, Ибрагим Ленинчи окъуу шахарчыкъда окъуганды. Устаз болургъа эди умуту, алай а, колхоз-совхоз театр кьурала башлагъанда, ол ары барып, анда актёр усталыкъ алганды. Эки жыл окъугандыла ала. Алай бла, Мамме улу малкъар театрны биринчи артистлерини жыйынына киргенди. 1939 жылда аны назмулары «Насыплы тёлю» деген жыйымдыкъда басмалангандыла. Ол жыл окъуна аны СССР-ни Жазычула союзуна алгандыла.

Ол Мечиланы Кязим хажи бла ол заманда этген ушакълары эсинде тутта эди. «Нальчик кьонакъ юйде тура эди Кязим хажи. Къайсын бла Керим аны назмуларын кириллицага кечюре эдиле. Рахыланы Исмайыл бла анга бара тургъанбыз. Мен аны акъылманлыгына бюгюн да сейир этгенлей турама. Аны чыгъармаларына кере жазгъан сценарийлеримде уллу поэтни сыфатын кесим таныгъанча этерге кюрешгенме», - дей эди.

Сайлау этерге жетгенде уа, Ибрагим театрны айыгъанды, алай жазычулукъ ишин бир заманда кьоймаганды.

Сейир дуняда

Ибрагимни биринчи энчи назму жыйымдыгы – «Назмула бла тамсилле» деп, 1958 жылда чыккъанды. Ол китапта поэт урушха дери эм урушдан сора жазылган назмуларын бирикдиргенди. Анда урунуу ариулугъу, магъаналылыгы неден да баш болганы айтылады.

Андан арысында Мамме-

Маммеланы Шакъманни жашы Ибрагим, назмучу, тамсилчи, кеп иги жырны автору, драматург Къабарты-Малкъар АССР-ни сыйлы артисти, ким да суйген адам эди. Ол дунясын алышханлыкъга, аты дайым ариу бла айтылып келеди. 21 мартда, Поэзияны битеудуня кюнунде биз аны атын энтта да хурмет бла сагъынабыз.



ланы Ибрагимни «Чалгъы», «Санга саугъам», «Жерни ауазы», «От жанады», «Сокъ, сыбызгъы», «Сайламала» деген, башха назму, тамсил китаплары да чыккъандыла.

Поэтни «Сокъ сыбызгъы» деген назму жыйымдыгы мен айырып суйген китапладанды. Ол төрт бөлүмден кьуралганды. Биринчи бөлүмю «Тиширыу жырлайды» деген ат бла келеди. Ол алгъыш бла башланады:

*Жашауунг, кюн жарытханлай,
Жарыкъдан, кьууанчдан толсун!
Сёз ючюн, сен кесинг къалай
Сюе эсенг, алай болсун!*

Быллай ариу алгъыш бла башланган китап кеп зат бла сейирсиндиреди.

Къулакъ салып тынгылагъан желни кез аллынга келтирирге боллукъмуду? Салкын жел, жаш акътереклени эркелетип, шыбырдайды, жашил чапыракълагъа акъырын тийип, жырлайды. Неда:

*Чочуйду жел, секиреди,
Иер басхан эмиликча,
Дорбунлагъа юфгюреди,
Эски, жыртылгъан кёрюкча.*

Жел кьолан гебенекни кьонаргъа кьоймай, кьыйнайды, поэтни лирика жигитин а эркелетеди, кьучакълап, кьоюнуна кьысады. Жел дугъуманы бла бал ийисни бирге жыйып, учуруп барып, жашил аулакъга кьуяды. Бир кюледди, бир жырлайды. Назмулары окъуй баргъанын кьада, поэт бу назмуну жазгъанда къалай насыплы эди, муну жазгъанда уа къайгылы эди деп айтырча, туурадыла аны оюмлары.

Халаллыкъ

Ибрагим жашауда жарыкъ, халал адам эди, аны чыгъармалары жарыкъдыла, таукелдиле, лирика жигити да алайды. Ол аманлыкъ, терслик, азап, сатхылыкъ дегенча эриши затланы билмегенча, жаланда жарыкъ, умутлу жолла бла келгенча, жарыкълыгы да жарыкълыкъны бийигине чыгып, жарсыуу да энтта да ачы тургъанча.

Аны сёзлерине жазылгъан

жырлагъа суйюп тынгылайбыз: «Суймекликни вальсы», «Келин келеди» (Келинни алып келебиз, жол беригиз! Бек ариуун сайлагъанбыз, ма кёрюгюз...), «Терезенги жарыгъы» (Мен сени излеп келеме), «Сокъ кьобузну» (Бизде – биченчи жыйында, Ингир сайын адетди той...), «Сакълайма сени» (Булбул жырласа, жел шыбырдаса, «Сен келе тургъан сунама...»), «Татлы жукъла» (Сени бетинге тегюле турад Жарыкъ нюрю толгъан айны), «Чакъыр мени» (Жулдузладан толгъан салкын кечеледе Мен сени излейме, сюеме кёрюрге) эм башхала.

Урушну солдаты

Уллу Ата журт уруш башлангынчы аскер кьуллукъга чакъырылып, Маммеланы Ибрагим, урушну ал кюнлеринден башлап, 1946 жылда дери кьазауат жоллада айланганды. Ол Украин эм Беларус фронтлада Совет Союзну Жигити, генерал Николай Фёдорович Ватугинни адъютанты болуп тургъанды. Уллу Хорламны юсюнден да, биринчиледен болуп, маршал Г.К. Жуковну кесинден эшитгенди.

Ол урушха атап да кеп назму жазгъанды. Аланы бир кьаууму «Сокъ, сыбызгъы» деген китапта «Белгисиз солдат» деген бөлүмде чыккъандыла. Кьазауатны отунда болуп, урушну ачы бетин танып, алай жазылгъан назмулары магъаналары терендиле.

*Атылыпмы къалыр назмум,
Окъ тешген солдат каскача?
Не табармы окъуучусун,
Сабий анасын тапханча?*

*Не айланармы аулакъда
Жел учура, аякъ малтай?
Мылы окопланы санай,
Ёлген тенглерине сарнай?*

*Огъесе ол чакъырырмы
Кишиликке шухъланы,
Чабыуулгъа баралармы
Биргелерине аланы?*

Сынау кюнле келгенде, поэтле борчларын таукелликге чакъыргъан назмула жазыуда кёргендиле. Аны назмуларында кьабыргъасына топ окъну сыныгы кирген къайын терек, «къайгылы солдат анача»

жылайды («Жаралы терек»), бомба чачылып этген чунгурну кьыйырында уа кьызыл гюл чагаады.

Ибрагимни «Белгисиз солдат» деген назмусу кеплеге аталганды. Унутулгъанлагъа угъай, атлары сын ташлада тюбемегенлеге, ажашханлагъа. Автор атсыз кьабырда жатхан солдатны юсюнден кеп сагъыш этеди. Анга тийген окъ аны кесин да аярыкъ туйюл эди. Алай...

Белгисиз солдат кьабыр уллу палахны шагъатыды дейди поэт аны юсюнде жазылгъан, кеплеге айтылгъан сёзлени окъуй.

*...Жашауу оту ёчюлмей
Аны ючюннге жанады,
Бёрклеригизни тешигиз,
Былайда Солдат жатады.*

Жолла эм назмула

Ибрагим «Самат» деген сюжет ызлы поэмасында да ол затланы айтады. Чыгъарманы жигити, Ибрагимни кесича,

уруш жолла бла Берлиннге дери жетеди. «Шинель» деген назмусунда поэт шинельни солдатха къаллай бир хайыры болганын, ол анга уруш жолларында къалай жарагъанын санай келип, шинель солдатны юйюдю дейди.

*Жууургъан, жастыкъ да –
Шинель
Тюбюнге тешек да – шинель,
Анчасыны барына да
Жетишеди жангыз шинель.*

*Ол солдатны кийимиди,
Ёлсе уа, кебинди анга.
Иш уллуду, шинель кийип,
Кьолуна сауут алгъаннга.*

Ол урушда этген жигитликлери ючюн Кьызыл Жулдузну, Ата Журт урушну I-чи даражалы, мамыр жашауда «Сыйлыкъны Белгиси» орденлеге, иги кесек майдалгъа тийишли болганды.

МУСУКАЛАНЫ Сакинат.

МАММЕЛАНЫ Ибрагим

Терезенги жарыгъы

Мен сени излеп келеме,
Ингир сайын тёзалмай,
Жашыртын кьарап турама,
Терезенден кёз алмай.
Акъырын жырлайма,
Суймеклик излейме,
Терезеден шо
Тышына кьара деп тилейме.

Сени ачылгъан терезенг
Гюл бахчага нюр чачад,
Ингир сайын терезени
Алай кеннге ким ачад?
Мен санга жырлайма,
Суймеклик излейме,
Терезеден шо
Бери бир кьара деп тилейме.

Сен ышаргъанда, жюрегим
Жарыйды, кюн тийгенча.
Насыплы болама, саулай
Дуня мени суйгенча.
Акъырын жырлайма,
Суймеклик излейме,
Терезеден шо
Манга бир ышар деп тилейме.

Сени терезе жарыгын
Мени кесине тартад,
Огъесе сени терезенг
Башханымы жарытад?
Мен санга жырлайма,
Суймеклик излейме,
Терезеден шо
Манга бир кьара деп тилейме.

Сокъ кьобузну

Бизде, биченчи жыйында,
Ингир сайын адетди той,
Жаш тёлю арий билмейди,
Сокъ кьобузну, тепсеме кьой.

Таулу кьобуз, жарыкъ кьобуз,
Асланбийни бурдурады,
Жарыкъ тёлю гюрен туруп,
Тау адетде, кьарс урады.

Чалгычы Осман тау кьушча»
Кьолларын жайып барады,
Кьобузчу кьыз анга кьарап,
Башхача нек ышарады?

Ой, Осман къалай тепсейди!
Нечик сейир «чанчылады»!
Ол, тойда тепсегенича,
Чалгыны да тап чалады.

Кюндюз ишлеп ингирде уа
Игиди быллай жарыкъ той,
Жаш тёлю арий билмейди,
Сокъ кьобузну, тепсеме кьой.

Татлы жукъла

Сени бетинге тегюле турад
Жарыкъ нюрю толгъан айны,
Тауладан келген салкын аязчыкъ
Чачынгы сабыр сылайды.

Кече салкынды, тегерек шошду,
Сен къайгы этме бир жукъга,
Мен да сакълайма сени жукъунгу
Жукъла, жаным, татлы жукъла.

Тауладан келген таза хауаны
Сени солууунг сунама,
Сени кёрюрге, санга тюберге
Кьадаарыма бойсунама.

Мен кёкде баргъан акъ булутланы
Санга келечи этерем,
Кьуш кьанатларым болсала, сени
Таулагъа алып кетерем.

Мен алтын кюнню нюр таякъларын
Сени чачынга эшерем,
Чолпан жулдузну орунундан
Алып,
Бойунга минчакъ этерем.

Кече салкынды, тегерек шошду,
Сен къайгы этме бир жукъга,
Мен да сакълайма сени жукъунгу,
Жукъла, жаным, татлы жукъла.



Газетде ишлерге келгенден кепле, хо, керейим, жаратмасам, болалмасам, кетерме деп, арсарлы болсала да, анда кеп жыллага каладыла. Бир ауук замандан а газетни шух коллективи аны ез адамларыча боладыла. Редакцияда сау элли жыл ишлесең а, ол сезим бютюн уллуга айланады. Кепле: «Редакция экинчи ююм кибикди», – деп, таукел айтырга боллукдула. Созайланы Акону кызы Ахузат да ма аллайланы арасындады.

Ол редакцияга элли жыл мындан алга келгенди. Бююн да аны бет сыфаты тюрленгенча керюнеди манга. Узун къара чачына уа биз, газетде ишлеген тиширула, барыбыз да сукълана эдик. Ол аны эки айырып, сыйдам жыйып, эниш-

плылык бла къараган, аны тынгылы тамамлаган адам болганы себепли, тамата коллегаларындан сурап, соруп, ишини жашырынлыкларына терк тюшонгенди. Аны алайлыгын керген таматала кеп да бармай, корректорга саладыла.

Газетни бетлеринде халатла болмазына кыйгыра, хар бетни эки, бирде уа юч кере да кыйтарып окъуучу эди.

Белгилеу

Бизни Ахузат



ге жиберуучюсю эсимдеди.

Ахузат корректорну болушлукчусу болуп башлаган эди урунуу жолун. Къолуна алган хар ишине уллу жууа-

Ахузат жашлары, туудуклары бла.

Редактор, аны орунбасарлары, башха журналистле да: «Ахузат окъуган эсе, халатланы не

хазна тапхын», – деучю эдиле.

Андан сора уа Ахуну (биз, аны кыбултуп, атына алай айтыучубуз) письмола бълюмню таматасыны болушлукчусуна кечюредиле. Анда да адепли, адетли кызыбыз бююрүлган борчну тынгылы, адам чурум тапмазча тамалайды. Бююнлюкде да ма ол халда бардырады ишин. Энди редакцияда ишлегенли элли жыл болады. Ол кепмюдю,

Мен аланы барысын да уллу сыймеклик бла эсгереме», – дейди Ахузат.

Корректорну болушлукчусу болганда, ол Алийланы Кулина бла бирге ишлегенди, письмола бълюмге уа Этезланы Дауут пенсияга кетгенден сора кечгенди. Анда ол Улуу Ата журт урушну ветераны, огъурлу адам Кючюкланы Магометни башчылыгында ишлеп башлаганды. Ариу тилли, ышар-



май селешмеген Магомет жаш кызыны кеп затха юйретгенди. Ол ишден кетгенден сора уа, Ахузат Жаникаланы Мажит, Юсюпланы Омар, Османланы Хыйса бла ишлегенди. Аланы адамлыкларыны, огъурлулукларыны юсюнден да сагатла бла айтып турургга боллукду. «Къаллай ахшы, тынгылы адамла ишлеучю эдиле ол заманда! Ала, къалай эсе да, башха тюрлю эдиле: чынты эр кишиле, халкъга жараргга итингенле», – деп эсгереде Ахузат.

Аху голлени бек сюеди. Кабинетинде ала кепдюле. «Аны голлери бир иги еседиле», – деп, аз тилемегенбиз аланы. Бир жол журналда окъуганма:

«Гюлле огъурлу адамны къатында бютюн бек чагдадыла, айныйдыла», – деп. Бизни Аху аллай болганына Хасанияда Токъуланы кюншулары бары да шагатдыла. Ары кызыбыз Токъуланы Магометни жашы Борисге эрге барганды. Бир арбазда тууган эгечлеча юч келин, юч апсын жашагандыла. Ким биледи, кыйын ананы бла атаны игилиги, ауур акыллылыклары, ала уа керти да элде огъурлу, юлгюге айтырча адамла эдиле, ючюнмю, огъесе келинлени да басымлылыклары бламы, оналты адам бир юйюрча жашагандыла.

Сабийле туугандыла. Ала да абаданладан юлгю ала, бир-бирлерине туз-гыржындан юлош этгендиле. Араларында сеники, меники деген болмаганды. Ахузат а Токъуланы тамата келинлери эди. Ол арбазда отуз эки жылны жашаганды. Аланы бирини да бир терс хапарлары чыкмаганды. 2015 жылда кыйын аналары ауушанда уа, Ахузат ол бушууну иги кесекге дери да унуталмай, къарасын тешмей турганды...

Бююнлюкде баш иеси Борис бла юй ишлеп, энчи жашайдыла. Кызы, эки жаш да есдюргендиле. Алты туудуклары уа кез гинжилеридиле.

Быйылгы жыл Токъуланы юйюрге дагыда бир ненча къууанч бла айырмалды. Бир кесекден аланы юйюрлерине дагыда эки бала къошулукду, андан сора уа, кеп бармай, Ахузат тууганы 70-жыллык юбилейин къууанч бла белгилерикди. Анга кеп алгышла айтыллык болурла, биз да, редакцияны коллективи, алагга къошулабыз.

ХОЛАЛАНЫ Марзият.

КИШИЛИКНИ ДЕРСЛЕРИ

Россейни Жигити кадетледе къонакъда

Кеп болмай Бабугентде Депуланы Хакимни атын журютген 2-чи номерли кадет школ-интернатда къонакъда Россейни Жигити Евгений Бобров, Къоруулау министрствону экспедиция-излем бълюмню таматасыны орунбасары Александр Агеев эм запасдагы офицерлени "Мегапир" миллет ассоциацияларыны КъМР-де биригуюню башчысы Атайланы Жашарбек болгандыла.

Евгений Бобров подводник-гидроавтды, сууну теренде жюзген техниканы сынаучусу, Орус география биригуюню суу тюбюнде тинтиле бардырган арасыны экспедиция-излем бълюмню таматасыды, отставкадагы 1-чи ранглы капитанды, ВМФ-ни аскерини санында Кишиликини юч орденни да биринчи кавалериди. 2013 жылда 6 декабрьде энчи борчну толтурууда кишилигин кергюзтгени ючюн Россей Федерацияны Жигити деген атха тийишли болуп, Алтын Жулдуз бла саугаланганды.

Жаш тёлү бла тюбешиу хайырлы этгенди. Кадетле Евгений Алексеевичге кеп тюрлю соруула бергендиле, ол а алагга толу жууапларга кюрешгенди. Ол санда иши бла байламлы кеп сейир



шартла да келтиргенди.

Александр Агеев а «Хорламны кемелери – кемелени хорламлары» деген суратлау фильмни кергюзтгенди. Анда суу тюбюнде бардырылган тинтиулени юсюнден билдиргенди. Анга къараганларындан сора, жаш адамланы соруулары бютюн кёбейгендиле.

Белгили адамла бла тюбешиуле кадет школда терк-терк етедиле. Бу жолгу къонакъбайлыкда аланы эслеринде къаллыгы баямды. Жигитлени бирикдирген шартлагга жарык кёллюклерин, тутхан

ишлерине кертичиликлерин, Ата журтларына сыймекликлерин, кемчиликсиз борчларын толтурууну эм башхаланы айтырга боллукду.

Ахырында кадет школ-интернатны таматасы Эристанланы Абдурахман педагоглары атларындан сейир тюбешиу ючюн къонакълагга ыразылыгын билдирип, саулук эм тутхан кыйын ишлеринде жангы жетишимле тежегенди.

Ызы бла, хар замандача, кадетле сыйлы къонакъла бла суратха тюшгендиле.

МАГОМЕТЛАНЫ Сулейман.

Жангы низам

Урунуу рынокда халны игилендириу мадарла хазырлангандыла

Иш излеген инсанлагга кыйралны жанындан себеплик этилликди. Жангы низамга кере, халкыны иш бла жалчытыуу араланы болушлукларын, ишсизле бла бирге, къуллукларындан эркин этилирге боллукла, иш бериучюню оноуу бла ишчи заманлары кысхартылганла, хакъсыз солугга ашырылганла да хайырланаллыкдыла.

– Бир-бир тыш кыйраллы фирмала ишлерин тохтанларыны не да болжаллы халда жабылганларыны юслеринден билдиргендиле. Алай алада урунганла ишсиз къалмазгга керекдиле, дегенди премьер-министр Михаил Мишустин.

Ол къол салган бегимге тийишлиликде, энди халкыны иш бла жалчытыуу араланы жумушлары бла ишин тас этерге боллукла, иш бериучюню оноуу бла урунуу заманы кысхартылганла, хакъсыз солугга ашырылганла хайырланаллыкдыла.

Арала инсанланы бу къауумларына урунуу рынокда болумну ангылатырыкдыла, къолайлыкларыны игилендириу жаны бла мадарла толтурлукдула. Ол санда алагга кеслерине бизнес ачаргга болушлук этилликди. Белгиленгенича, кыйрал эсепге турган энчи предпринимательлеге эл мюлкю не да предприятияны къураугга финанс себеплик да этилликди. Андан сора да инсанла билим алырга, жангы усталыкыгга юйренирге да боллукдула.

Премьер-министр белгиленича, Правительство урунуу рынокда болумну тапландырууга бурулган башха мадарланы да толтурлукду. «Регионла бла мындан ары да ишлерикбиз. Адамлагга къуралган болумдан къоранчсыз къутулургга болушургга борчлубуз», – дегенди ол.

ТИКАЛАНЫ Фатима хазырлаганды.

ЭСДЕ ТУТУУ

Аны огъурлу сифаты, къыйыны да унутулмагъандыла

Он жыл мындан алгъа къышны ингир шошлугъун ачы къычырыкъ ауаз бузду. Ол сагъатда битеу эл элгенгенча кёрюнген эди. Фрийланы Рамазанны ёлтюргендиле деген хапар терк жайылды. Адамла, къарангы болгъанына да къарамай, тышына тегюлдуле. Ол ачы билдириу керти болгъанына киши да ийналмай эди. «Хоу бир да, аны уа не ючюн ёлтюрлюк эдиле», - деп, бир бирге соруулу къарай эдиле.

Энтта да ангылаамайбыз, не ючюн эмда кимни къолу кётюрюлгенди ачыкъ жүреккли, тюз ниетли жашха. Ол уллугъа, гитчеге да асыу сёз таба билгенди. Ама болгъаны къадар, аны аллына келген бир адамны да жанына тиймезге кюрешгенди.

Рамазан Хасанияны администрациясына башчылыкъ этген беш жылны ичинде андан кесине бир тюрлю хайыр излемегенди, башына ауара алгъан болмаса. Анасы Зухура, аны кече-кюн да тынчлыгы болмагъанын кёрюп, аз кюрешмегенди кет ол ишден деп. Ол а, аны жапсары ючюн: «Энтта бу не да ол жумушну тамамлайым да, кетерме», - дей эди.

Фрий улу элге таматагъа салынганлай, бек алгъа къурулушу кеп жылланы ичинде созулуп турган Маданият юйно къайгысы кёрюп тебирейди. Ызы бла жауун суу, жолгъа жайылып, аны бузмаз ючюн, илипинле тартдырады. Элни бир-бир орамларын жангыртханды, асфалты салдыртханды, чыракъла жандыртханды. Нарт-Уя черекни жагъалары кечюп бара эдиле да, аланы бегитдиргенди.

Аны дагыда кеп муратлары бар эдиле. Ол элни башында жангы къуралган районга къошакъ халда газ, электрокоч да тартыну сагъышларын эте эди. Нальчик черекни боюнунда футбол майдан ишлетирге, дзюдочулагъа спорт зал ачаргъа да суйгенди. Аланы барын да «Элни айнытуу» деген миллет программагъа кере тамамларгъа дей эди.

Кеп жумушлары уа, тенглерин жыйып, кеси да къошулуп, алай тамамлаурусун эллиле энтта да айтадыла. Субботник болса, анга къатышмай къалмагъанды. Къарындашла Рахайланы атларын жүрютген орамгъа асфалты келтирип тегенлеринде, къатып къалмасын деп, ол орамда жашагъанла бла бирге, терлегенлери да бара, ишлегенине кесим

да шагъатма. Бююнлюкде ол орам бла озгъан анга алгъыш этмей къоймайды.

Кеси спортну гитчелигинден суйгени себебли, элде сабийлени, жаш адамланы да анга табындырыгъа итингенди. Сора «Акъ-Суу» совхозну бош тургъан эмда тозурай баргъан межамын спорт залгъа айландырыгъа эсине тюшеди. Тенглерин бла да кенгешеди. Ала аны ол башламчылыкъын жаратадыла, къолларындан келгенича болушургъа да айтадыла.

Кеплери ай сайын ахча къошумчулукъ этип тургъандыла. Рамазан кеси уа асламыракъ беричюк эди. Бирде уа айлыкъын саулай залны кереклерине къоратханды. Аны бла да къалмай, къурулуш ишлерине къатышханды. Ма аны ёлтюрген заманда да спорт залны отуларындан бирини къабыргъаларын сюрте тургъан жашлагъа болушургъа баргъан эди.

Элни жумушу бла Рамазанга кеп уллу къуллукъчуланы аллына барыргъа тюшгенди. Барса уа, айтханын этдирмей къоймагъанды. Кимге да керекли сёз таба билген хунери бар эди. Ма Маданият юйге ахчаны да алай бла мажаргъанды.

Къурачу хунери болгъаны уа студент жыллада окъуна ачыкъланган эди. КъМКЪУ-ну физкультура бёлюмюнде окъуп башлагъанында, Хасанияны ол замандагы оноучусу Темиржанланы Махтини башламчылыкъы бла «Эгида» жаш тёлү жамауат организация къуралады. Рамазан анга олсагъат киреди эмда тенг жашларына башчы болуп, элде къартлагъа, къарысузлагъа, жангыз къалгъанлагъа болушууу къурайды.

Керек болса, бичен чалыргъа, дырын жыргъа да себеплик этгенди. «Бир жол, - деп эсгереди элни администрациясыны шёндюгю башчысы Азаматланы Къайсын, - жайда къауум жаш болуп бичен хазырларгъа чыгъабыз да, къошда кеп къалыргъа тюшеди. Аш-суу алыргъа кетген машина ючюнчю кюн да къайтмайды. Ач болабыз. Ол заманда хуржун телефонла уа жокъ эдиле. Сора Рамазан жаяулай элге тебирейди. Энди къачан келеди ол да деп турсакъ, терк окъуна къайтады да, эки-юч кюнне болур тенгли бир гыржын, айран, бишлакъ, эт да алып келеди. Ол а, жолда бара, бир къошха киргенди, андагылагъа болумну айтып, тенглерине



азыкъны ма алай мажаргъанды».

«Аны кесине тартхан бир нюрю болгъанды, - деп эсгереди Гелляланы Рустам а. - Школда окъугъан жылларыбызда окъуна классыбызда къызла къуруда Рамазанны тегерекке алгъанлай тура эдиле. Байрам болса, битеу саугъала да анга, хар кимни эси да анда болуучу эди. Алай ариу тилли эди, бир заманда бир адамгъа кезюнг къара болсун деп эшитмегенбиз.

Элде уа ишин къалай къурагъанды: Ёйыкъ сайын амбулаторияны таматасын, мектепни директорун, сабий садланы заведующийлерин да жыйып, эрттенликде летучка бардыргъанды. Аланы хар бирини да отчётуна тынгылагъанды, жетишимлерин белгилегенди, кемчилклерин да жашырмагъанды. Андан сора, бирге кенгешип, аланы оюмларын да эсге алып, алай оноу чыгъаргъанды.

Ол дин ахлусу адам болгъанды, республикада мамырлыкъ, тынчлыкъ, бир бирни ангылаулыкъ сакъланырлары жанлы болуп къаты сюелгенди. Жыйылыуаны къайсысында да аны юсюнден кесини оюмун ачыкъ эмда къаты айтханды. Аллах адамгъа фэхму берип башласа, бири бла чекленмейди деп, халкъда бош айтмайдыла. Рамазан къыл къобузну да уста сокъгъанды, кесини да ариу ауазы бар эди. Бирде, гитараны къолуна алып, студент жылларындача, тенг жашлары бла бирге кеслери жазгъан назмулагъа макъамланы да кеслери жарашдырып,

аланы жырлагъанларын кепле унутмагъандыла.

Мен а Рамазанны гитче заманындан бери таний эдим. Ол, бир эллим болгъандан сора да, бизден узакъ бармай жашагъанды. Эрттен, ингир тюбеше тургъанбыз, спортха жүрюп, эркин тушуудан жетишим болдурса уа, газетге жазгъанма. Артда, элге башчылыкъ этип башлагъанында уа, аны кабинетинде кеп кере болгъанма, Хасанияда, ол санда школда да, не тюрлю байрам, жыйылыу болса да, тюбеше тургъанбыз.

Бир жол элли жашладан бири спортда уллу жетишим болдуруп келеди. Аны къууанчына Маданият юйге эллиле жыйыладыла. Рамазан а ёхтемлигин букъдуралмай эди. Сахнагъа чыгып: «Бизни жерлешибиз дунияны чемпиону болгъанды, ол а Хасаниягъа, битеу республикагъа да уллу махтауду», - деп, жашны саугъалагъан эди. Ёсюп келген жашчыкъладан не къадар кёбюсю спорт бла кюрешселе, аман ишлеге къатышханла ол къадар аз боллугъун уста билгенди, аны себебли аланы келлендирирге дайым кюрешгенди.

Рамазанны эки сабийи къалгъандыла. Жашчыгына ол суйген тенги Зокаланы Артурну атын атагъан эди. Атасы Мухтаргъа, анасы Зухурагъа, юй бийчеси Залинагъа, башха жууукъларына, тенглерине бу къыйынлыкъны кётюрген тынч тюрлюлю. Жюрегинги бир зат бла да къыйнамагъан, бек суйген адамынгдан айрылгъандан уллу ачыу болурму? Ол а, адамлагъа ийнанылулугъу алай уллу болмаса, бююн да сау-саламат жашар эди. Не медет! Аманлыкъчылыны окълары аны жашаун замансыз юзгендиле. Ёмюрю солугъан хауа кирик къысха болгъанды. Аллахны оноун кеслерини боюнларына алгъанла къаллайладыла, аланы къаллай ата-ана тапханды? Алай бир затха ишексиме: адам ёлтюрючюле, мурдарла деген ат аланы юслеринден ёмюрде да кетерик тюрлюлю.

Рамазанны аты уа дайым да игилик бла айтыллыгы баямды. Элде ол жашагъан орамгъа, 16-чы номерли орта школгъа, жангы ишленген спорт залгъа да аны аты бошдан аталмагъанды.

ХОЛАЛАНЫ Марзият.

Сюзюу

Эсепле чыгъарылгъандыла, борчла белгиленгендиле

КъМР-де МВД-да Жамауат советни быйыл биринчи жыйылыуу бардырылгъанды. Анга ич ишле министр полицияны генерал-лейтенанты **Василий Павлов** да къатышханды. Анда советни быйылыны аллындан бери озгъан юч айны ичинде ишини эсеплери чыгъарылгъандыла эмда келир кезиуге борчла салынгандыла, деп билдиргендиле ведомствону пресс-службасындан.

Василий Павлов Жамауат советни келечилерине ёсюп келген тёлую, Ата

журтубузну сюерге, законлагъа табыныргъа юйретгенлери ючюн ыразылыкъын айтханды.

- Сиз ич ишле органланы келечилери бла бирге жаш адамланы билимлерин айнытуугъа, законланы билген инсанланы ёсдюрюуге себеплик этесиз. Министерствону наркотиклеге къажау управлениясыны башламчылыкъы бла къуралгъан акциялагъа тири къатышасыз, акылбалыкъ болмагъанланы ишлери жаны бла инспекторлагъа болушасыз, къырал

автоинспекторла бла бирге жолда жүрюуню жорукъларын ангылатасыз, - деп, алагъа ыспас этгенди.

Министр студентле бла ишге энчи магъана берирге кереклиси не эс бургъанды.

Советни ишини эсеплери бла аны башчысы **Руслан Маргушев** шагъырей этгенди. Жыйылыуда КъМР-де МВД-ны Жамауат советини келир кезиуге борчлары белгиленгендиле.

АБДУЛЛАХЛАНЫ Фатима хазырлагъанды.

БОЛУМ

Жюреги тутхан эр кишиге болушхандыла

Полицияны тамата лейтенанты **Олег Тхамоков** эм лейтенант **Замир Сохов** жолда къуллукъ этген кезиуде машиналадан бири тохтап, анда келгенле болушлукъ тилегендиле. Ала къоншу республикадан дуудан къайтып келе болгъандыла, алай жолда нёгерлеринден бирини жюреги ауруп башлагъанды. Аны саулугъу осалдан-осал бола, инсанла полициячыладан болушлукъ тилегендиле.

Инспекторла мычология саусузну Кардиология арагъа жетдиргендиле, аны врачланы къолларына берип, хали игиге айланганына ишексиз болгъандан сора андан



ары къуллукъ этерге атлангандыла.

Врачла эр кишиде инфаркт болгъанын тохташдыргъандыла. Ала саусуз больницагъа терк жетдирилмесе, иш жарсыугъа буруллулугъуна къоркъуу уллу болгъанын чертген-

диле. Эр кишини жууукълары инспекторлагъа бу къыйын болумда алагъа болушханлары ючюн ыразылыкъларын айтхандыла.

Басмагъа **ТИКАЛАНЫ Фатима** хазырлагъанды.

Жетишим

Жаш алимге –
энчи саугъа

Проектни жангычылыкъ эм илму-техника кыйматлыгына, аны коммерциализациясына кере сайлаулары ётпю, Къабарты-Малкъарны жаш алимлерине себеплик этиу фондну «Умник» программасында Къабарты-Малкъарны Аграр университетини агроном факультетини 4-чю курсуну студенти Забакъланы Азамат хорлагъанды.

Агрономла хазырлагъан ызда окъуй, ол «Разработка технологии получения и применения стимулятора роста растений на основе амброзии полыннолистной в условиях КБР» темагъа илму ишни туура этгенди, анга конкурс комиссия бийик багъа бергенди.


Жангычылыкъларга себеплик этген фондну аналитика платформасында энчи къарауны ётгенден сора, Забакъ улуну ол жаны бла тинтиую КъМР-де



эм игиге саналгъанды. Жаш алимге, ол кесини илму излемлерин андан ары бардырырча, 500 минг сом грант берилликди.

АЙДАБОЛЛАНЫ
Джамия.

СЁЗБЕР



ЭНИНЕ: 5. Эрттегили тепсеу
6. Жангуланланы Ибрагимни романы.
9. Кавказда уллу суу.
10. Хайыр
11. Мирзеуню тюрлюсю.
12. Алгъыш.
16. Кеф этген ичги.
18. Жылыу келе башлагъанда жаугъан кър.
19. Къызгъанчылыкъ.
20. Элни адамы.
21. Юйге кирген жер.
22. Кавказ миллет.
25. Акушер.
30. Бусагъатда кеп жюрюген къыз ат.
31. Ахчасыз-бохчасыз адам.
32. Эрттегили Румну таурухлагъа кирген бек ариу тишируу.
33. Хуржуну толу адам.
34. Къыргъыз-

да къолан тауну ала айтычу аты.
ЁРЕСИНЕ: 1. Мияла керек жер.
2. Жазычуну кереги.
3. Юч-тёртжыллыкъ кьой.
4. Сабий тапханнга болушуучу доктор.
7. Акъылдан жарты.
8. Санау.
13. Къуандырыр очюн айтылгъан ариу сёз.
14. Нальчикни бир району.
15. Сакълаучу.
17. Адамны жюрюгенде кымылдауу.
23. Сабий.
24. Атны скойген ашы.
26. Сыйлы таш.
27. Кышхы улоу.
28. Чабакъ.
29. Назмучугъа къанат алдыргъан сезим.

ГАЗЕТНИ 27-чи НОМЕРИНДЕ

БАСМАЛАННАН СЁЗБЕРНИ ЖУУАПЛАРЫ:

Энине: 5. Шаудан. 6. Таулан. 9. Къаура. 10. Китап. 11. Отлукъ. 12. Жылкы. 16. Алтакъ. 18. Жабалакъ. 19. Къытайлы. 20. Чыкнай. 21. Аманлыкъ. 22. Ауана. 25. Жакъчы. 30. Чамла. 31. Садакъ. 32. Жална. 33. Жалгъау. 34. Махтау.

Ёресине: 1. Байракъ. 2. Андий. 3. Отлау. 4. Шаптал. 7. Чалы. 8. Чура. 13. Лакъырда. 14. Сайлама. 15. Жангылыкъ. 17. Тазалыкъ. 23. Ууаз. 24. Налмас. 26. Алабай. 27. Чана. 28. Бауур. 29. Салма.

Спорт

Жерлешлерибиз –
дунияны чемпионлары

Бу кюнледе Владимирская областны Суздаль шахарында битеустильли каратеден дунияны чемпионаты ётгенди. Ары онюч къыралдан спортну ол тюрлюсю бла кюрешген устала къатышхандыла.

Спортчулагъа биринчи РФ-ни спорт министри Олег Матицынни алгъышлау сёзюн Россейни спортну халкъла аралы устасы

Александр Филюшкин окъугъанды. Дагъыда алагъа Битеустильли каратени халкъла аралы федерациясыны президенти эм эришиулени баш судьясы Рамиль Габбасов эм башха сыйлы къонакъла да жетишимли болурларын тежегендиле.

«Толу контактда» эришиулени эсеплерине кере, Къабарты-Малкъарны келечилери Асте-

мир Жамбеев (70 кг.) бла Алан Макоев (+90 кг.) «Дунияны чемпиону» деген атха тийишли болгъандыла.

«Кюмюшню» Руслан Шогенов (80 кг.) алгъанды.

Спортчула Шахмырзаланы Шахмырзада, Сабанчыланы Муратда, Дауд Кешевде жаруу этедиле.

ДОДУЛАНЫ Мадина.

Учредительле: Къабарты-Малкъар Республиканы Парламенти бла Правительствосу

Баш редактор
КЪОНАКЪЛАНЫ Хасан

РЕДКОЛЛЕГИЯ:

ТЕКУЛАНЫ Хауа
(баш редакторну орунбасары),
ЖАНГУРАЗЛАНЫ Нажабат
(баш редакторну орунбасары),
ТОКЪЛУЛАНЫ Борис
(жууаплы секретарь),
МУСУКАЛАНЫ Сакинат,
ТИКАЛАНЫ Фатима,
ТРАМЛАНЫ Зухура,
УЛБАШЛАНЫ Мурат.

ТЕЛЕФОНЛА:

Редакторну приёмный - 42-63-01. Баш редакторну орунбасарлары - 42-38-21, 40-04-82. Жууаплы секретарь - 40-03-24.
Секретариат - 40-93-62. Корректорла - 42-63-52.

Газет Басманы эм асламлы информацияны эркиниклерин кьоруулау жаны бла Къабарты-Малкъар регион инспекцияда 2016 жылда 19 декабрьде регистрация этилгенди.

Регистрация номер — ПИ № ТУ07-00118. Индекс - П 5893

Газетни басмагъа «КъМР-Медиа» ГКУ-ну компьютер службасы хазыр этгенди.

Газет «Издательство «Южный регион» ООО-ну типографиясында басмалангъанды.
Ставрополь край, Ессентуки ш., Никольский орам, 5а

Номерге графикге кере
19.00 сагъатда къол салынады.
20.00 сагъатда къол салыннганды.

ГАЗЕТНИ НОМЕРИН
ЧЫГЪАРГЪАНЛА:

Курданланы Сулейман - дежурный редактор, Кучукланы Сафият, Кетенчиланы Зульфийа - жууаплы секретарьны орунбасарлары; Мокъаланы Зухура (1,2,3,9-чу бетле), Ахматланы Люоаза (4,10-чу бетле), Зезаланы Лида (11,12-чи бетле) - корректорла.

Тиражы 1682 экз. Заказ № 540
Багъасы эркинди.

РЕДАКЦИЯНЫ ЭМ
ИЗДАТЕЛЬНИ АДРЕСИ:



360000, Нальчик шахар,
Ленин атлы проспекти, 5

электронный почтасы:
elbor_50@mail.ru